



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Administratio.

urn:nbn:de:hbz:466:1-30427

bus excluditur. Tho. vbi supra, a. 3.

ADIVRATIO facta debito modo est licita, & meritoria, habet enim similitudinem cum iuramento, estq; actus latræ, sed oportet quod fiat cū reuerentia, de re bona, bona intentione, & debitis circumstantijs. Et si fiat ad subditos debito modo, cum intentione obligandi, obligat sicut præceptum, & iuramentum. Thom. vbi supra.

ADIVRANS aliquis de eo, quod non potest, vel quem non potest, intendens eum obligare, mortaliter peccat, vt dictum est, agitque contra iustitiam, & taliter adiuratus ex hoc non tenetur obedire. Adiuratio in casibus non licitis, de genere suo est mortale peccatum contra secundum præceptum. Non assumens nomen Dei in vanum. Tho. vbi supra.

VOLENS dæmonem expellere, & adiurans, vt dicat aliqua ex curiositate, quæ ad expulsionem nihil faciunt, vt puta, Quid tenuit Arist. de immortalitate animæ, vel huiusmodi: & hoc non facit vt credat firmiter, vel vt difcat à diabolo venialiter videtur peccare: quia per hoc non vult diaboli amicitiam, sed est ex quadam leuitate, quod tamen fieri non debet, ne alij forte diabolo credant. Sil. versic. Adiuratio. §. 1. cauendum tamen est in huiusmodi adiurationibus, ne quis adiuuet obsecratione, aut ad aliquid consequendum, vt puta obsequium vel notitiam, quia tunc mortale videtur.

ADMINISTRATIO.

ADMINISTRATOR tenetur de mala administratione satisfacere, secundum Inno. c. ex presentium. de pignoribus. Et ille cuius est administrator, habet actionem negotiorum gestorum contra eum. ff. de neg. gest. l. iij. §. vlt. t. q. 2. c. si quæ de rebus.

ADMINISTRATOR tenetur de dolo secundum glos. in l. cū ostendimus. ff. de fidei. tpto. tenetur etiã de lata culpa l. curatoris. C. de nego. gest. & etiam de leui. l. quicquid. C. de at. h. t. q. 10.

ADMINISTRATIONEM committens indigno sciẽter, tenetur de mala administratione, secundum Innoc. in c. ex ratione. de eta. & qual. & mortaliter peccat. Quando autem administrator de casu, vel fortuna teneatur, vide in l. negotia. ff. de nego. gest. quia in quinque casibus tenetur.

ADMONITIO.

ADMONITIO debet fieri ante denunciationem, secundum gloss. in c. qualiter, & quando. el. 2. de accus. vide infra, correctio fraterna. §. 4. Admonitio præuia secreta, est de præcepto ante publicam denunciationem in iudicio, si correctio speratur. Th. secunda secunda. q. 33. a. 7.

ADOPTIO.

ADOPTIO secundum Th. 4. sent. d. 42. q. 2. a. 1. est extremæ personæ in filium, vel nepotem, vel deinceps, legitima assumptio. Pan. in rubrica, eod. tit. dicit, quod est quædam propinquitas à lege inducta.

ADOPTIO duplex est, secundum Th. ibi ad primum. Vna quæ naturalis filiationem præfectè imitatur, & hæc vocatur arrogatio, per quæ reducitur adoptatus in potestatem adoptantis, ita vt adoptatus succedat adoptanti ex intestato, nec potest eum pater adoptans quarta parte hæreditatis priuare. Et sic adoptari non potest, nisi qui est sui iuris, & postquam est adoptatus, non habet potestatem, aut si habet, est emancipatus, quæ quidē non fit, nisi principis autoritate. Alia est simplex adoptio, per quam ado-

non transit in potestatem adoptantis, & secundum hanc potest adoptari etiam ille qui non est sui iuris, sine autoritate principis, ex autoritate magistratus: nec succedit in bonis adoptantis: nec adoptans in testamento tenetur ei aliquid relinquere. Pa. c. 1. eo. tit.

ADOPTARE non potest aliquis, qui non est sui iuris, vel minor 25. annis, vel mulier nisi ex speciali autoritate principis, quia isti disponendi de hæreditate non habent potestatem. Th. vbi supra, ad 3.